

ab is ghar ki abaad
mehmaano par hai

koi aa jaae to waqt
guzar jaata hai
- Zehra Nigaah



ab judai ke safar ko
mere asaan karo

tum mujhe khwaab
mein aakar na
pareshaan karo

- Munawwar Rana

READBEACH

apne hone ka kuch
ehsas na hone se hua

khud se milna mera
ik shakhs ke khone
se hua



READBEACH

apne saae se chaunk
jaate hain

umr guzri hai is
qadar tanha

- Gulzar



READBEACH

ek mehfîl mein kaee
mehfilein hoti hain
sharik

jîs ko bhi pass se
dekhoge akela hogâ
- Nida Fazli



mere ghar mein to
koi bhi nahin hai

khuda jaane main kis
se dar raha huun

- Ameer Qazalbash



shahr ki bhiid mein
shamil hai akela-pan
bhi

aaj har zehn hai
tanhai ka maara
dekho

- Hasan Najmi
Sikandarpuri



shahr mein kis se
sukhan rakhkiye
kidhar ko chaliye

itni tanhai to ghar
mein bhi hai ghar ko
chaliye

- Naseer Turabi

tum se mile to khud
se zyada

tumko akela paaya

humne

- Irfan Siddiqi



udasiyan hain jo din
mein to shab mein
tanhai

basa ke dekh liya
shahr-e-arzu main ne
- Junaid Hazin Lari



un ka gham un ka
tazavvur un ki yaad

kat rahi hai zindagi

araam se

- Mahshar Inayati



wo nahin hai na sahi
tark-e-tamanna na
karo

dil akela hai ise
aur akela na karo

- Mahmood Ayaz



ye kaisa qafila hai
jis mein sab log
tanhā hain

ye kis barzakh mein
hain hum sab tumhein
bhi sochna hogā

- Himayat Ali Shayar

abhi to hum maidan
mein utre bhi nahin

aur logon ne hamaare
charche shuru
kardiye



apne taaruf ke liye
ye baat kaafi hai

hum wo rastey nahin
chaltey jo rasta aam
hojayे



READBEACH

Apni taqdeer khud hi
likhni hogi

ye koi chitthi nahin
jo duusron se likhwa
loge



READBEACH

dil mein mohabbat ka
hona zaroori hai

warna yaad to roz
dushman bhi karte
hain



READBEACH

Dushmani jamm kar
karo lekin ye
gunajaish rahe

Jab kabhi dost ho
jaaen to sharminda
na hon

- Bashir Badr

dushmani laakh sahi
khatm na kijiye
rishta

dil mile ya na mile
haath milate rahiye

- Nida Fazli



dushmanon ne kya
dushmani ki hai

doston ne bhi kya
kami ki hai
- Habib Jalib



gulaab, khwaab,
dawa, zeher, jaam...
kya kya hai

main aagaya hun...
bata intenzaam kya
kya hai

- Rahat Indori



Hum na badlenge waqt
ki raftaar ke saath
Jab bhi milenge,
andaz puraana hogा



humne dekha hai
zamaane ka badalna
lekin

unke badle hue tevar
nahin dekhe jaate
- Ali Ahmad Jalili



ishq mein jeet key aaney ke liye
kaafi hun

main akela hi zamaaney ke liye
kaafi hun

har haqeeqat ko meri khwaab
samajhney waaley
main teri neend udaaney ke liye
kaafi hun

- Rahat Indori



jigar waalon ka darr
se koi waasta nahin
hota

hum wahan kadam
rakhte hain jahan
par koi raasta nahin
hota



Koshish itni hai ke,
Koi naraaz na ho
humse

Nazar andaz karne
waalon se,
Nazar hum bhi nahin
milaate



lafzon ke bhi zaiqey
hote hain

bolne se pehle chakh
liya karen



READBEACH

main intizar mein hun tu koi sawal
to kar

yaqin rakh main tujhe la-jawab kar
dunga

hazar pardon mein KHud ko chhupa ke
baiTh magar

tujhe kabhi na kabhi be-naqab kar
dunga

- Rahat Indori



Main Logon Se
Mulaqaton Ke Lamhe
Yaad Rakhta Hoon

Baatein Bhool Bhi
Jaaun Par Lahje Yaad
Rakhta Hoon



Mijaaz mein thodi
sakhti laazim hai
huzoor

log pii jaate
samandar agar khaara
na hota



mohabbaton mein
dikhaye ki dosti na
mila

agar galey nahin
milta to haath bhi
na mila

- Bashir Badr



mushkilein jaan hi
le len agar aasan ho
jayen
yeh jo kuch log
farishton se bane
phirte hain

mere haath lag jaaye
toh insaan ho jayen
- Rahat Indori



Sahi Waqt Par Karwa
Denge Hadon Ka Ehsas

Kuch Talaab Khud Ko
Samundar Samajh
Baithhe Hain



shaakhon se toot
jaayen wo pattey
nahin hain hum

aandhi se koi kehde
ke auqaat mein rahe
- Rahat Indori



Udne mein burayi
nahin hai aap bhi
uden

lekin utna hi jahaan
se zameen saaf
dikhaayi deti ho



waqt hi to hai badal
jaayega

aaj tera hai kal
mera hogा



READBEACH

Zameen Per Aao Phir
Dekho Humari Ahmiyat
Kya Hai

Bulandi Se Kabhi
Zarron Ka Andaza
Nahi Hota



Dua mein gira hua ek
aansu bhi taqdeer
badal sakta hai



jo apne liye nahin
auron ke liye dua
karte hain

unke haq mein
farishtey dua karte
hain



READBEACH

dushman bhi mere
mureed hain shayad
waqt bey waqt mera
naam liya karte hain

meri gali se guzarte
hain chupa ke
khanjar
roobaroo hone par
salaam kia karte
hain



dushman na kare dost
ne wo kaam kia hai

umar bhar ka gham
hamein inaam dia hai



READBEACH

dushmanon ke saath
mere dost bhi azad
hai

dekhna hai khinchta
hai mujh pe pehla
teer kaun

- Parveen Shakir

jo dost hain vo
maangte hain sulh ki
dua

dushman ye chaahte
hain ki aapas mein
jang ho

*sulh = Peace

- Lala Madhav Ram

Johar



Main hairaan hoon
kyun hui dosti apni

mujhe kaise gawaara
hogai dushmani apni



READBEACH

umr bhar milne nahin
deti hain ab to
ranjishen

waqt ham se rooth
jaane ki adaa tak le
gaya



uske dushman hain
bohot aadmi achha
hoga

vo bhi meri hi tarah
shahr mein tanha
hoga

- Nida Fazli



READBEACH

Eid aai tum na aae
kyा maza hai eid ka

eid hi to naam hai
ik dusre ki diid ka



READBEACH

eid kā chāñd tum
ne dekh liyā

chāñd kī eid ho
ga.ī hogī



READBEACH

Eid ka din hai gale
aaj to mil le zalim
rasm-e-duniya bhi
hai mauqa bhi hai
dastoor bhi hai

- Qamar Badayuni



eid khushiyon ka din
sahi lekin
ik udaasi bhi saath
laati hai

zakhm ubharte hain
jaane kab kab ke
jaane kis kis ki
yaad aati hai
- Farhat Ehsas

READBEACH

ghareeb maa apne
bachon ko pyar se
yun manati hai

phir bana len ge
naye kapde eid to
har saal aati hai



hum ne tujhe dekha
nahin kya eid manaen

jis ne tujhe dekha
ho use Eid Mubarak
- Liaqat Ali Aasim



khud to aya nahin
aur Eid chali aai
hai

Eid ke roz mujhe yun
na sataye koi



us se milna to use
eid mubarak kahna

ye bhi kehna ki meri
eid mubarak karde
- Dilawar Ali Aazar



kitne nazuk mijaaaz
hain wo kuch na
poochiye

neend nahin aati
unhen dhadkan ke
shor se



lamhon lamhon par
khwaab likhuunga
apni zindagi par
kitab likhunga
aapki gardan ko
phoolon ki tehni
aur aapke chehre ko
gulab likhunga

phool lekar phool
aaye phool kar maine
kaha

phool kyun laaye ho
saahab tum to khud
hi phool ho



zindagi yunhi bohot
kam hai mohabbat ke
liye

ruuth kar vaqt
ganvaane ki zarurat
kya hai



ab wo titli hai na
vo umr hai ta-aqub
(chasing) wali

main na kehta tha
bohot door na jaana
mere dost

- Faisal Ajmi

bhuul shayad bohot
badi karli

dil ne duniya se

dosti karli

- Bashir Badr

READBEACH

dosti jab kisi se ki
jae

dushmanon ki bhi rae
li jae
- Rahat Indori



na udaas ho na
malaal kar kisi baat
ka na khyaal kar

kaii saal baad mile
hain hum tere naam
aaj ki shaam hai

- Bashir Badr

tod kar aaj
ghalat-fehmi ki
divaaron ko

doston apne ta.alluq
ko sanvaara jaaye
- Santosh Khidwadkar

READBEACH

tum takkalluf ko bhi
ikhlas samajhte ho
'faraz'

dost hota nahin har
haath milaane vaala
- Ahmed Faraz



vo koi dost tha
pichle dinon ka

jo pichhli raat se
yaad aa raha hai

- Nasir Kazmi



ye kahan ki dosti
hai ke baney hain
dost naseh
(advisers)

koi charasaz (one
who cures) hota, koi
gham-gusaar (a
comforter) hota
- Mirza Ghalib

READBEACH

Ajab Si Haalat Hai
Tere Jane Ke Baad
Mujhe Bhookh Lagti
Nahin Khana Khane Ke
Bad
Mere Pass Do Hi
Samosa The Jo Maine
Kha Liye
Ek Tere Aane Se
Pehle, Ek Tere Jane
Ke Baad



Aye Gulaab Apni
Khushbu Ko
Mere Doston Par
Nichaawar Kar De
Yeh Sardi Ke Mausam
Mein
Aksar Nahaya Nahi
Karte



jinke ghar sheeshey
ke hote hain

wo kahin bhi baith
kar daadi bana leta
hai



READBEACH

Kis Kis Ka Naam Lein
Apni Barbadi Mein

Bahut Log Aaye The
Duayein Dene Shaadi
Mein



READBEACH

agar rab de to koi
cheen nahin sakta

agar wo cheen le to
koi de nahin sakta



READBEACH

dunya ke aye musafir manzil teri
khabar hai
tai kar raha hai jo tu do din ka ye
safar hai
jab se bani hai dunya lakhon
karoron aaye
bakhi raha na koi mitti may sab
samaay
is baat ko na bhoolo sab ka yahi
hashar hai
dunya ke aye musafir manzil teri
khabar hai



mitt jaye gunaahon
ka tassawur hi jahan
se Iqbal

agar ho jaye yaqeen
sabko ke khuda dekh
raha hai



samundaron ke safar mein hawa
chalaata hai
jahaaz khud nahin chaltey, khuda
chalata hai

tujhe khabar nahi mele mein ghumne
wale
teri dukaan koi doosra chalata hai

yeh log paon nahi zehan se apahij
hain
udhar chalengey jidhar rehnuma
chalata hai

- Rahat Indori



ik muddat ke baad
humne yeh jaana aye
khuda

ishq teri zaat se
sacha hai, baki sab
afsaney



jab RAB se baat
karne ko dil chahe
to NAMAZ parha karo

jab tum chaho ke RAB
tum se baat kare to
QURAN parha karo

READBEACH

aate aate mera naam sa reh gaya
us ke honthon pe kuch kaanpta reh
gaya

wo mere saamne hi gaya aur main
raaste ki tarah dekhta reh gaya

jhut waale kahin se kahin badh gaye
aur main tha ke sach bolta reh gaya

aandhiyon ke irade to acchey na the
ye diya kaise jalta hua reh gaya
- Waseem Barelvi

ab to miliye bas
ladai ho chuki

ab to chaliye pyaar
ki batein karein
- Akhtar Shirani



ashiqi mein 'mir'
jaise khwaab mat
dekha karo

baavle hojaoge
mehtaab (moon) mat
dekha karo

- Ahmed Faraz

bohot dinon se mere
saath thi magar kal
shaam

mujhe pata chala vo
kitni khoobsurat hai

- Bashir Badr



dunia ke sitam yaad
na apni hi vafa yaad

ab mujhko nahin kuch
bhi mohabbat ke siva
yaad

- Jigar Moradabadi



faisla job hi ho,
manzoor hona chahiye
jang ho ya ishq ho,
bharpuur hona
chahiye

apney haathon sey
banaya hai khuda ne
aapko
aapko thoda bohot
magroor hona chahiye
- Rahat Indori

hans ke farmaate
hain wo dekh ke
haalat meri

kyun tum asaan
samajhte they
mohabbat meri

- Ameer Minai

hosh vaalon ko
khabar kya, bekhudi
kya cheez hai

ishq kiije, phir
samajhiye zindagi
kya cheez hai

- Nida Fazli

illaaj apna karaate
phir rahe ho jaane
kis kis se

mohabbar kar ke
dekho naa mohabbat
kyun nahin karte

- Farhat Ehsas

ishq ne 'Ghalib'
nikamma kar dia

warna hum bhi aadmi
the kaam ke
- Mirza Ghalib



jab bhi aata hai
tera naam mere naam
ke saath

jaane kyun log mere
naam se jal jaate
hain



- Qateel Shifai

jab unhen dekho
pyaar aata hai

aur bey-ikhtiyaar
aata hai

- Jaleel Manikpuri



kal chaudhvin ki
raat thi shab bhar
raha charcha tera

kuchh ne kaha ye
chand hai kuchh ne
kaha chehra tera
- Ibn E Insha



kuch khaas hai jo
tujhe mujh se jode
rakhta hai

warna itna maanf to
maine khud ko bhi
nahin kia



kya kahun tumse ke
kyaa hai ishq

jaan ka rog hai,
bala hai ishq
- Meer Taqi Meer



mere ghar ke tamaam
darwaaze
tumse karte hain
pyaar aajao
- Anwar Shuoor



READBEACH

mohabbat ek khushbu
hai hamesha saath
chalti hai

koi insan tanhai
mein bhi tanha nahin
rehta



- Bashir Badr

mohabbat mein ye kya
maqaam aa rahe hain

ki manzil pe hain
aur chale ja rahe
hain



- Jigar Moradabadi

na jee bhar ke dekha
na mulaqaat ki

badi aarzoo thi

mulaqaat ki

- Bashir Badr



sooraj sitaarey
chaand mere saath
mein rahey

jab tak tumhaare
haath mere haath
mein rahey

- Rahat Indori

teri katthayi aankhon mein hain
jantar mantar sab
chaaku waaku churiyan wuriyan
khanjar wanjar sab

jis din se mujhse roothi hai
roothey roothey hain
takiya wakiya chaadar waadar bistar
wistar sab

- Rahat Indori



ujaale apni yaadon
ke hamare saath
rehne do

na jaane kis gali
mein zindagi ki
shaam hojaye

- Bashir Badr

us shakhs se taalluq
bas itna hai

agar wo pareshan ho
neend phir mujhe bhi
nahi aati



vaada kiya tha
ayenge khwabon mein
aaj raat
maarey khushi ke
neend hi na aai
tamam raat



ye ishq nahin aasan
itna hi samajh lije

ek aag ka dariya hai
aur Dub ke jaana hai
- Jigar Moradabadi



ye koi karishma nahi
hai haseenon ka

khuda jab husn deta
hai nazakat aa hi
jati hai



READBEACH

yun miley ke mulaqat
na ho saki
hoth kanpe par baat
na ho saki
meri khamosh
nigahein sab kuch
keh gayin
aur unhe shikwa hai
ki bat na ho saki



main akela hi chala
tha jaanib-e-manzil
magar

log sath aate gae
aur karwan banta
gaya



- Majrooh Sultanpuri

aaj hum dono ko fursat hai chalo
ishq karein
ishq dono ki zarurat hai chalo ishq
karein

aap hindu main musalman ye isaayi
wo sikh
yaar choro yeh siasat hai chalo
ishq karien
- Rahat Indori



bulandi der tak kis
shakhs ke hisse mein
rehti hai

bohot oonchi imarat
har ghadi khatre
mein rehti hai

- Munawwar Rana

dhuan jo kuch gharon
se uth raha hai

na puure shahar par
chaaye to kehna
- Javed Akhtar



ek chingari nazar
aayi thi basti me
use
wo alag hat gaya
aandhi ko ishara
karke

- Rahat Indori



(English)

people are disabled not physically
but mentally
they follow the path where the
leaders tell them to walk

(Hinglish)

ye log paaon se nahin zehen se
apaahij hain

udhar chalenge jidhar rehnuma
chalaate hain

- Rahat Indori

(English)

speak in the same tone as the world
this is an area where deaf people
live - speak loudly

(Urdu)

jo taur hai duniya ka usi taur se
bolo

bahron ka ilaqa hai zara zor se
bolo

- Rahat Indori



READBEACH

jo aaj sahib-e-masnad hain kal
nahin honge
kiraayedaar hain zaati makaan thodi
hai

sab hi ka khoon shaamil hai yahan
ki mitti mein
kisi ke baap ka hindostan nahin hai
- Rahat Indori



kaisi hai ye
zimmedaari saeen ki
janta jaan gayi
makkaaree saeen ki
desh ko lootne vaale
loot ke le jaen
maan gaye ham
chaukhidari saeen ki

- Asif Barabanki



naye kirdar aate ja
rahe hain
magar naatak purana
chal raha hai
- Rahat Indori



READBEACH

sarhadon par bohot
tanaav hai kya
kuch pata karo -
chunaav hai kya
- Rahat Indori



READBEACH

tabaah kar dia
ahbaab ko siasat ne

magar makaan se
jhanda nahin utarta
hai

- Shakeel Jamali



wo chahta tha ki
kaasa khareed le
mera
main uske Taj ki
qeemat laga ke laut
aya

*kaasa = Faqeer ka
bheek maangne ka
katora

- Rahat Indori



aap ke baad har
ghaDi hum ne

aap ke sath hi
guzari hai
- Gulzar



ai ghamen zindagi na
ho naraz

mujh ko aadat hai
muskurane ki
- Abdul Hamid Adam

READBEACH

apne chehre se jo
zahir hai chupayen
kaise

teri marzi ke
mutabiq nazar aaen
kaise



- Waseem Barelvī

ashk-e-gham (tear of
sorrow)


diida-e-pur-nam (wet
eyes)

se sambhale na gaye

ye wo bachhey hain
jo maa baap se paale

na gaye

- Meer Anees



bhoole hain rafta
rafta unhen muddaton
mein ham

Qishton mein
khudkhushi ka maza
humse poochiye

- Khumar Barabankavi

chupke chupke raat
din aansu bahaana
yaad hai

humko ab tak
aashiqui ka wo
zamaana yaad hai

- Hasrat Mohani

gham se bikhra na pa
emal hua

main to gham se hi
bemisaal hua
- Hasan Naim



guzar gaya aaj ka
din bhi yun hi
bewajah

na mujhe fursat mili
na tujhe khayal aaya



ham ko kis ke gham
ne maara ye kahaani
phir sahi

kis ne toda dil
hamara ye kahaani
phir sahi

- Masroor Anwar

main rona chaahata
hoon khoob rona
chaahata hun main

phr uske baad gehri
neend sona chaahata
hun main

- Farhat Ehsas

milna tha ittifaq
bichadna naseeb tha

wo hogaya utni door
jitna qareeb tha
- Anjum Rehbar



ranjish hi sahi dil
ko dukhaane ke liye
aa

aa phir se mujhe
chhod ke jaane ke
liye aa

- Ahmed Faraz



sabab wo puchh rahe hain udas hone
ka
mera mizaj nahin be-libas hone ka

naya bahana hai har pal udas hone
ka
ye faeda hai tere ghar ke pas hone
ka

mahakti raat ke lamho nazar rakho
mujh par
bahana DhunD raha hun udas hone ka
- Rahat Indori

silsile tod gaya vo
sabhi jaate jaate

warna itne maraasim
to the ki aate jaate

- Ahmed Faraz



farishte aasmanon se baraati ban ke
aaenge
sitare raste mein nur ki chadar
bichhaenge

KHushi se jhum kar har hur shahnai
bajaegi
meri guDiya kisi din chand par
shadi rachaegi
- Kaif Ahmed Siddiqui



Khoobsurat Se Ek Pal
Qissa Ban Jaata Hai
Jaane Kab Aur Kaun
Zindagi Ka Hissa Ban
Jaata Hai



READBEACH

mubarak ho tumko ye
shadi tumhari
sada khush raho tum
dua hai hamaari
tumhaare qadam
choome ye dunya
saari
sada khush raho tum
dua hai hamaari



nazar aaegi jab us ko meri pyari si
ye guDiya
balaen par balaen legi baDh kar
chand ki buDhiya

dulhan ko dekh kar dulhe ki qismat
jagmagaegi
meri guDiya kisi din chand par
shadi rachaegi

- Kaif Ahmed Siddiqui



tere maathey ki
bindiya chamakti
rahe

tere haathon ki
mehendi mehekti rahe

tere jode ki raunaq
salaamat rahe

teri choodi hamesha
khanakti rahe



meri khwahish hai ki
aangan mein na
deewar uthey

mere bhai mere hisse
ki zameen tu rakh le
- Rahat Indori



Ab Samajh Leta Hun
Meethey Lafzon Ki
Kadwaahat,
Ho Gaya Hai Zindagi
Ka Tajurba Thoda
Thoda



READBEACH

apne kirdaar par
daal kar parda

har shakhs keh raha
hai zamaana kharaab
hai



READBEACH

aur bhi dukh hain zamane mein
mohabbat ke siva

rahaten aur bhi hain vasl ki rahat
ke siva

sorrows other than love's longing
does this life provide

comforts other than a lover's union
too abide

- Faiz Ahmad Faiz



Bas Ek Nazar Hai...
Le De Ke Apne Paas

Kyu Dekhen Zindagi
Ko Kisi Ki Nazar Se



READBEACH

Dekha Hai Zindagi Ko
Kuchh Itne Qareeb
Se,
Chehre Tamam Lagne
Lage Hain Ajeeb Se.



Dhoop Mein Niklo
Ghataon Mein Naha
Kar Dekho
Zindagi Kya Hai
Kitaabon Ko Hata Kar
Dekho



READBEACH

dilon mein aag labon par gulab rakhte hain
sab apney chehron pe dohri naqab rakhtey hain

humein chirag samajh kar bhula na paaogey
hum apnay ghar mein kayi aftab rakhte hain

yeh maikada hai wo masjid hai wo hai butkhana
kahin bhi jao farishtey hisaab rakhtey hain

- Rahat Indori



do gazz sahi, magar
yeh meri milkiyat to
hai

aye maut, tuney
mujhko zameendar
kardia

- Rahat Indori

Fursat Mile Jab Bhi
Toh Ranjishen Bhula
Dena,
Kaun Jaane Saanso Ki
Mohlatein Kahan Tak
Hain



READBEACH

ham se pahale bhee
musafir kai guzre
honge

kam se kam raah ke
patthar to hataate
jaate



- Rahat Indori



Har Aadmi mein hote
hai das bees Aadmi,

jisko bhi dekhna
ho, kaii baar dekhna
- Nida Fazli



hazaaron khwaahishen aisi ke har
khwahish pe dum nikley
bohot nikle mere armaan, lekin phir
bhi kam nikey
Nikalna khuld se Aadam ka suntey
aaye hain lekin
bohot beyaabru hokar tere koochey
se hum nikley
- Mirza Ghalib



Hazaron Uljhanen
Raahon Mein Aur
Koshishen Behisab

Isi Ka Naam Hai
Zindagi Chalte
Rahiye Janaab



Ho Ke Mayoos Na Yun Shaam Se Dhalte
Rahiye

Zindagi Bhor Hai Suraj Sa Nikalte
Rahiye

Ek Hi Paav Pe Thehroge Toh Thak
Jaoge

Dheere Dheere Hi Sahi Raah Pe
Chalte Rahiye



READBEACH

Jo Padha Hai Use
Jeena Hi Nahin Hai
Mumkin
Zindagi Ko Main
Kitabon Se Alag
Rakhta Hoon



koi aankho se baat
kar leta hai
koi ankho me mulakat
kar leta hai
bada mushkil ho jata
hai jawab dena
jab koi khamosh reh
kar sawal kar leta
hai



READBEACH

Manzil bahot hain
Afsaane bahot hain
Raahe zindagi me mukaam aane bahot hain
Mat kar gila uska
Jo mila nahi
Is duniya me khush rehne ke bahaane bahot hain

There are more goals to be achieved,
More stories waiting to be created.
Dont cry over what you lost,
There are a lot of reasons to be happy in this
world.



mat kar itna guroor
apne aap par
'insaan'

na jaane khuda ne
kitne tere jaise
bana kar mita diye

READBEACH

mujhe zindagi ka
zyada tajurba to
nahi
par suna hai
saadgi me log
yahan jeene nahi
dete



Mujh jaisa ik aadmi
mera hi hamnaam,

Ulta seedha vo chale
mujhe kare badnaam



READBEACH

Na dikhao zakhmo ko

Ke yaha log mutthi
me namak liye
ghoomte hain



READBEACH

Raftaar Kuchh Is
Qadar Tez Hui Hai
Zindagi Ki

Ki Subah Ka Dard
Shaam Ko Purana Ho
Jaata Hai



Samandar Na Sahi Par
Ek Nadi Toh Honi
Chahiye,
Tere Shahar Mein
Zindagi Kahin Toh
Honi Chahiye.



Thodi Masti Thoda Sa
Imaan Bacha Paya
Hun,
Yeh Kya Kam Hai Main
Apni Pehchaan Bacha
Paya Hun,
Kuchh Ummidein,
Kuchh Sapne, Kuchh
Mahekti Yaadein,
Jeene Ka Main Itna
Hi Saaman Bacha Paya
Hun



tufano se ankh
milao, sailaabon par
waar karo

phoolon ki dukaane
kholo, khushbu ka
vyapaar karo

ishq khata hai to
yeh khata ek baar
nahin sau bar karo

- Rahat Indori

ungliyan yun na sab
par uthaya karo
kharch karne se
pehle kamaya karo
zindagi kya hai khud
hi samajh jaaogey
baarishon mein
patange udaya karo
- Rahat Indori



Waqt se pehle
Aur naseeb se zyada
Kisi ko kuch nahi
miltा

No ones gets greater
than what is written
in his destiny
And before time.



yeh zindagi sawaal thi, jawab mangne lagey
farishtey aa ke khwaab mein hisaab mangney lagey

idhar kia karam kisi par aur idhar jata dia?
namaaz padh kar aaye aur sharaab mangne lage?

tijaaraton ka rang ibadaton mein aa gaya
salaam pher tey hi hum sawaab mangne lage
- Rahat Indori



Ye jo log ro rahe
hain

Mujhe murda dekhkar
Abhi uth jaun to
chain se jeene nahi
denge



READBEACH

Zaroori To Nahin Ke
Shayari Wo Hi Kare
Jo Ishq Mein Ho,
Zindagi Bhi Kuchh
Zakhm Bemisaal Diya
Karti Hai



Zindagi Bahut Khoobsurat Hai,
Zindagi Se Pyar Karo,
Agar Ho Raat To, Subah Ka Intezaar
Karo,
Wo Pal Bhi Aayega Jiska Tujhe
Intezaar Hai,
Bas Us Khuda Par Bharosa Aur Waqt
Par Aitbaar Karo



Zindagi Ki Daud Mein
Kachcha Reh Gaya
Nahin Seekha Fareb
Bachcha Reh Gaya



roz taron ko numaish
mein khalal padta
hai

chand paagal hai
andhere mein nikal
padta hai

- Rahat Indori

kaise bayaan karen
saadgi apne mehboob
ki

parda hameen se tha
magar nazar bhi
hameen pe thi



ye aaena kya de
sakenge tumhen
tumhari shakhsiyat
ki khabar

kabhi hamari ankhon
se aakar poocho
kitne lajawab ho tum

English Translation:

It is exceptional to be liked in first glance
It is exceptional to scatter in your own soul
It is not exceptional to achieve success
It is exceptional to stay successful

(Urdu Transliteration)

nazar nazar meñ utarnā kamāl hotā hai

nafas nafas meñ bikharnā kamāl hotā hai

bulandiyoñ pe pahuñchnā koī kamāl nahīñ

bulandiyoñ pe Thaharnā kamāl hotā hai

- Ashok Sahil



Let me drink while sitting inside a
Mosque

Or tell me a place where God is not
present

(Urdu)

zahid sharab pine de masjid mein
baiTh kar
ya wo jagah bata de jahan par KHuda
na ho



mosque is the house of God not a
place to drink
go inside the heart of a
disbeliever, there is no God there

masjid khuda ka ghar hai piine ki
jagah nahin
kafir ke dil mein jaa, wahan par
khuda nahin



READBEACH

ek saal gaya ek saal
naya hai aane ko

par waqt ka ab bhi
hosh nahin deewane
ko

- Ibn E Insha



guzarne hi na di vo
raat maine

ghadi par rakh dia
tha haath maine
- Shahzad Ahmad



subah hoti hai shaam
hoti hai

umr yunhi tamam hoti
hai

- Munshi Amirullah
Tasleem



vaqt rehta nahin
kahin tik kar

aadat is ki bhi
aadmi si hai

- Gulzar

READBEACH

The logo for READBEACH features a stylized green palm tree with three fronds on the left side. To the right of the tree, the word "READBEACH" is written in large, bold, white capital letters. The letters have a slightly distressed or textured appearance. The entire logo is set against a dark teal background.